

張右史文集卷第十九 古詩

小雨

稍、陰靄集肅、春寒生窓燈耿初照卜雨細無聲還  
來就溫爐依然有故情燕坐悄無語軍城遞遠更

月夜懷陳永源

衆喧息遙夜爽氣清煩襟慙慙低簷月入幌來相尋平  
生學虛靜每為多病侵卧想陳夫子幅巾脩竹林

冬日放言二十一首

清冬萬境肅牆戶益蕭然薄寒唯可飲短景不容眠貧  
厨煙火暖塵釜亦烹鮮且復養口体何勞更問天

湯餅慰朝餒三杯澆旦寒醉飽外何欲昏然宵就眠幽  
通夢有告默存神自全蕭、松竹舍歲暮聊盤桓  
風雨連江氣十月如深冬坐曹日暮歸密坐溫爐紅慘  
慘庭下日騷、窗外風三杯容我醉萬事聽天公  
小兒喜學書滿紙如棲鴉老婦寒不績當戶理琵琶樽  
中有神物快寫如流霞三杯任兀、凍臉生春華  
卯飲終日醉萬事付悠、醺然據榻暝簷雨方颯、吾  
事幸無急不醉欲何求顧謂婦與子酒盡為我謀  
寒羊肉如膏江魚如切玉肥兒與奔鶉日夕懸庖屋嬉  
嬉顧妻孥滋味喉可欲謫官但強名比者何不足

酒聖卯時懽此語聞樂天安用苦了了白日供愁煎浮  
世本幻妄空花電露然人間無實事唯醉庶幾焉  
愈老愈嗜酒益醉益自然兩人同隊車醉者乃得全我  
不但醉酒天和醉心源當其醉甚時更類癡与頑  
至道与物及夫豈全俗心聖處有闡域扁鑰一何深時  
時資美酒可待及其門送君者既反君駕胡可尋  
清晨坐官舍官舍復何有离披經雨菊蕭颯委風柳飽  
食或坐睡涉筆無可否由然有好怀日莫歸飲酒  
日暮歸飲酒兒女戲我前酒更徑三酌據榻已醺然老  
妻坐我傍餽哉屢炮煎大勝刘伶婦區、為酒錢

我初謫官時帝問誰能之此如飢徒而給食其去  
向一千三百五十四年而遇雨仰戴天公仁  
吾腹如鴟其飽滿時解酒不圓故不滯中靜一無有紛  
紛千百輩納若一塵垢下有至真源保之故難朽  
淮陽名都會真種大吳墟最峻西城道汪、數頃湖古  
木巢翠鳥清涼見游魚迷居多不愜懷我平生娛  
灵通古叢林它日休吾車出門循古城荒圃畦寒蔬手  
種堂下花頗已數尺餘何時攬其華故人應念余  
塞向夕室處帟幕亦復周溫燼煖薪炭永夜炎光流五  
更屋霜重、衾如無粟興懷無衣子卒歲聊優游

陶潛經世才齟齬不得肆彼寧徒嗜飲有蘊託諸醉時  
時吐高詞頗復見一二義熙書甲子此意有涇渭  
葛公蓋世材功業亦云偶世無左將軍老作躬耕叟皇  
天挺奇產必使有所受珠玉在山淵終為王府有  
秦人焚詩書意欲遂絕滅六經至今存何曾損毫髮與  
衰有天理人力自淺拙不憂驪山墓回首遭發掘  
元子本豪爽頗復有俗氣孟嘉亦可人乃與較權勢屈  
強盡百年究竟成何事江左無英雄汝得免徒隸  
淵明非無心似以酒忘憂如以藥愈疾未佳寧免憂我  
直好飲耳與世本悠、人間有何事奚足煩杯甌

無題

秋葉鳴葉下初無風  
一一流生一如此  
嗟慨使心悲  
平日談老莊  
五朝秀色  
秋風  
後此栖遲

秋日

隨葉鳥不顧  
枯苔蟲暮吟  
野田  
後江暗夕  
還陰夜  
語聞山雨無眠  
听楚砧  
寒  
思  
誰能歸心

謫官

謫官成吏  
限古寺  
度高秋  
寒灯  
照夜  
空清坐  
聞更  
籌  
裘  
葛屨往還  
感彼歲月  
追吾意  
方有  
誰能賦離憂

十月二十二日晚偶作三首

黯：東牖閣寂：吾廬閑  
麕糲飽  
婦子首宿無餘盤  
鴈急天欲雨  
鷄栖夕已寒  
老人袖手坐  
一杯聊自寬  
天寒聊飲酒  
再酌已停觴  
豈不欲酣暢  
要使夜腹康  
意得樂有餘  
偶惟不必長  
寄身造化中  
勿使天和傷  
蓬華無與處  
北風利戈鋌  
空炉有微火  
且復與周旋  
酒隱柴桑叟  
醉吟喟上賢  
二士忽已遠  
遺風載陳編

題壁

命駕欲詣客  
欲去復遲：事幸無甚急  
何用勞驅馳  
家貧幸有酒  
亦略具鮮肥  
且復東窓下  
高歌醉而嬉

夜坐

萬籟声久寂三更霜已寒老人袖手坐一氣中自存自得此中趣不與兒曹論但有老孟光相對亦無言

潘郎以予生日見過致酒出兩詩

東風沛甘雨百物一時好江邊桃李盡紅紫到百草道傍負擔子寒食歸祭禱念我淮上丘三年不躬掃淮陽牡丹窟盛不數伊洛姚黃一枝開衆艷氣如爍亭亭風塵表獨立朝万萼誰知臨老眼更復羨葵藿

感懷

枯樹栢司馬五柳陶徵君微木不足道所歎此兩人一埋柴桑骨一為九錫臣榮辱俱已矣芳穢萬世聞

次韻題李援舫子

李援武昌尉援有詩題船門用其韻

紫髯不復見故宮無入門元子亦寂寞一丘弔遺魂興亡兩夢幻今古一朝昏念當置是事盡此舟中樽

過孝感縣十里所望一土山下有漁舟呼之不來委舟負魚徑去不顧俄有一舟不待呼自擊舟直前取舟中善魚致之求價甚賤余倍與之直率辭倍直而去余語之曰爾不待招而起人之求仁也售不求厚價廉也子豈有道者乎茲楚境也昔有勸屈大夫以鋪糟啜醢者豈非子耶為作一篇

有道隱屠釣仁廉非偶然  
傾筐出紫鱖揮手謝青錢  
昔有離騷客名高楚國賢  
獨醒遭爾笑吾幸醉終年

夜思

江邊鷓鴣鳴栖我屋南樹  
夜深風霜寒呼鳴自相語  
樹頭鴉翼動樹杪鴈行度  
朦朧見江山一、翻飛去

嘲南商

兩袖全正帛望知江淮客  
深藏計弄苦好鬪意氣窄  
愁逢湯餅盃遇鮓論雍瓦  
昨市南沽茅柴店兩顴赤

種芭蕉

幽居玩芳物自種兩芭蕉  
空山夜雨至滴、復蕭、涼

葉泛朝露芳心展夕飈  
東堂日虛靜秀色慰無聊

一日復一日

一日復一日炎涼行一周  
異鄉猶在眼白髮久生頭  
且看尋撞枝休懷失馬憂  
天公有至信萬古一春秋

大雨十日不止五月十八日晚始霽

昊穹忽悔禍淫雨霽今夕  
峯領紆紫翠雲天麗金碧  
深畦鳴遠注涼葉墜餘滴  
漏屋百不憂宵眠始安席

天運

天運不暫止何意過隙駒  
向來簷間日忽已牆東隅  
樂者苦其疾憂者怨其舒  
由來盛與衰變滅皆須臾

張右史文集卷第十九

張右史文集卷第二十

喜雨四首

陰陽不暫駐今夕已秋風  
晨興締絡冷歲月驚衰翁  
朝煙爨薪濕小甲疏畦空  
且復一杯酒吾生不終穷

手種五色蕉意待聽秋雨  
南風扇早日破葉萎不舉  
露霑未終夕綠潤遽如許  
秀色入書幃已覓青鸞舞

牆東有高樹夏葉圓綠綺  
西風終一夕蕭颯遽如此  
寒螿號其顛蟋蟀曉未已  
群動催流光榮華難久恃

隙地秋日曉寂無鄰里  
音惟有草根蟲風前咽復吟  
悲歌者誰子徂年驚苦心  
青灯夜齋靜微温生薄衾

東園

荒園何所有落葉與衰叢含芳未肯吐惟有木芙蓉黃  
菊如佳人綠萼包金茸併隨重陽酒娛此憔悴翁

十二月二十六日旦聞東堂啄木聲忽記作福  
昌尉時在山間環舍多老木臘後春初此鳥尤  
多聲態不一今琵琶等中所效既不類又百不  
得一二云福昌河南屬邑也

睡起聞啄木忽憶福昌春官舍題詩壁如今經几人猶  
能老耽酒依旧拙謀身尚想蘭宮路東風清洛濱

三伏暑甚七月八日立秋是日風作涼爽炎酷

頓消老病欣然命酒成二詩

西風吹淡白窓戶含淒清炎涼一朝變徂暑逝不停山  
堂晚潇洒病叟巾褐輕平時干雲樹芳葉亦復零  
苦熱逢三秋西風颯然起金氣入草木傷夷從此始盛  
極衰從之循環固其理老翁復何事新涼飲酒美

摘梅花數枝插小瓶中輒數日不謝吟玩不足  
形為小詩

踈梅插書瓶潔白滋媚好微香悠然起鼻觀默自了秀  
色定可憐仙姿寧解老禪翁心土木對此成魔惱

所居堂後北籬下獲二蛇一小色赤長二尺許



一大色黑長七尺圍四五寸尾可貫百錢盡放  
之

二物穴我居歲月亦已老一朝雙擒獲蛇：出幽草安  
行免噬齧敢望吐珠報已月不殺虵昔矣有遺告

### 獨遊東園

清曉步東園獨遊談無侶菰蒲綠已深鵝戲春塘雨取  
酒就花傾隔林邀客語歸來興未闌睡起春庭午

### 小雨效韋体

午景蔽浮雲芳林散清雨虛窓度暹吹稍覓書業奉殘  
蔬知夏餘墮葉兆秋序幽獨無往來煎茶誰晤語

### 京師阻雨

深泥漫：汚后土長安閉門三日雨頑雲不動風伯愁  
飛電更相雷師怒陽烏力弱不自持天漏已寬魚石補  
麥蛾禾耳不足憂當念為魚救魚禹

大雨三日泥三尺駁馬高車行不得我有蹇驢安敢騎  
閉戶高眠朝至夕誰家高堂半夜秋軟綺輕紈換締絡  
朱門樂事無時無爾自賤貧空太息

應龍

海州胸山有龍  
潭人傳有龍

應龍未遇風雲起仰活泥沙數尺水彼能坐致千里澤  
可憐一掬何難致時哉未遇可奈何一掬雖微安敢易

誰能寄語潭中魚相聚須臾莫相忘

田家三首

野塘積水綠可染舍南新柳齊如剪去冬雪好麥穗長  
今日雨晴初擇繭東家饋黍西舍迎連臂踏歌村市晚  
婦騎天荷兒扶翁月出橋南歸路遠

社南村酒白如餉鄰翁宰牛鄰媪烹插花野婦抱兒至  
曳杖老翁扶背行淋漓醉飽不知夜裸股掣肘時誰爭  
去年百金易斗粟豐歲一飲君無輕

新見鵲街廷樹枝黃口出巢今已飛粟留啄椹桑葉老  
科斗出畦新稻齊田家苦作候時節汲水未免寒與飢

去來暴取獨何者請視七月豳人詩

海州道中二首

孤舟夜行秋水廣秋風滿帆不搖槳荒田寂無人聲  
水邊跳魚翻水響河邊守蟹茅作屋蟹頭月明人夜宿  
船中客竟天未明誰家鞭牛登隴聲

秋野蒼蒼：秋日黃黃：蒿滿田蒼耳長草虫吟：鳴復咽  
一秋雨多水滿轍渡頭鳴春村迳斜悠：小蝶飛豆花  
逃屋無人草滿家纍：秋蔓纏屋梁

女凡祠下

山邊白雲閑不掃山下松花籠甲老東風右拍吹暖香

廟前土馬荒春草朝霞為裳水為珮守廟千年老龍在  
清風掃堂神暮還山頭月出溪潺湲

馬周

馬周末遇蚪鬚公布衣落魄來新豐一樽獨酌豈無意  
俗子不解知英雄賢豪相逢自相得一語君王見曾臆  
當時豈不為人言聾耳安能為君側

南山

南山鳳凰雙翅垂口不安食腹苦飢山前老鳶飽腐鼠  
憑恃風日群游嬉俯身視鳳有驕色鳳不汝較空嗟咨  
九韶一奏為君舉坐看百鳥相隨飛

福昌北秋日村行

秋野無人秋日白禾黍登場秋索：豆田黃時霜已多  
桑虫食葉留空柯小蝶翩：晚花紫野鷄啄粟驚人起  
洛陽西原君莫行秋光處：傷人情

黃桑蕭：新雨晴田中日午村鷄鳴場頭九月禾黍熟  
空原雉飛飽新穀棘籬蟲鳴村路曲路邊古墳生野菊  
人稀田闊草茫：洛陽秋深能斷腸

歲暮歎三首

秋日苦短秋雲多北風蕭：洛水波長林撐空葉餘柯  
鳴鴈高飛去不息晚花悠：能几何洛陽經年客未去

歲暮搔首空悲歌

寒：野空禾黍荒北風日夜鳴空桑南山碧天青不極  
渺：洛水東流長山空水寒行客少鴻雁飛急天初霜  
蕭：窮谷歲已晚嗟我再補冬衣裳  
南山蒼：季秋月北風如刀青石裂山陰半夜寒欲冰  
晚望高峯看新雪白衫少年臂鷹去暮歸飲酒烹狐兔  
強弓一斛尚可夢更欲射獵窮吾年

一畝

一畝秋蔬半成實竈突無煙已三日良人傭車斃車下  
老婦抱子啼空室西風九月天已寒飢腸不飽衣苦單

我身為吏故無術坐視啼泣空沈瀾

洛水

洛水秋深碧如黛亂石縱橫瀉鳴瀨清明見底不留塵  
日射澄沙動璣貝南山秋風已蕭瑟倒影上下迷空翠  
何當載酒縱扁舟一尺鯉魚寒可鱸

秋風三首

秋風蕭：洛川渡水碧沙寒飛白鷺波頭伐木欲成梁  
落日焦蘇下山去山頭九月雪一尺山民燃薪當襦袴  
石田收薄婦子飢歲晚苦寒安可度

秋風蕭：吹野桑田家黍稷初登場雉肥兔飽鷹隼健

水落沙冷魚龍藏長淮煙波渺千里  
悵望搔首山川長  
二年薇蕨苦不飽  
長安裘馬多輝光

昏鴉歸栖暮天迴新月始  
水中影秋聲索索起桑麻  
古道人歸煙火靜公庭吏  
稀霜樹老葉攪雨多  
幽菊盛  
山家生事飽諳知野果  
村醪送朝暝

### 感春三首

我昨西來到昌谷主人致酒留我宿  
坐中少年美如玉  
高歌清惟春夜促還家病酒對殘春  
東風落花吹滿屋  
出無與語歸閉門安得  
万里馳吾足

我昔東行花始開我自東歸  
花半摧萬紅辭林捲風去

坐見錦繡蒙蒼苔南山朝雲鳴  
逐婦日暮微雨蕭蕭來  
一春晴明苦難得  
掩敗風日知誰裁

悠悠朝興暮足思官閑事  
山間無客空山多陰春足雨  
飢馬蕭蕭空伏  
歷文官上巧謀  
愈疎弱  
衰遲佳無策  
繫身五斗  
商自爲何用  
中宵空歎自

### 又三首

亦知春歸不可留  
年年三月三日  
已然至田  
茫茫芳草合  
清洛不斷波  
悠悠傷心  
思春  
誰與催  
老此生  
初白頭  
問言  
求田  
求計  
主  
以  
手  
收  
計  
人  
羞

山民爲生最易足  
一自生計  
窮山  
不  
可  
入  
市  
得  
百  
錢

歸寧妻比喜斗粟山奴未久終不愛衣食自樂他無欲  
人生誰使愛功名萬慮千思換一骸

騎馬出門暮後歸出無所詣婦子誰妻先具酒勸我飲  
兒稚笑語傍嬉：人生如此亦可樂安用軒冕生光輝  
九原可作欲誰與鹿野鹿史真吾師

去年

去年四月多風雨麥秀不實典衣苦今年麥好風雨調  
萬口嗷：飢待哺何事今晨還衣被朝日無光寒慘切  
天工與物無怨尤安用日與人為仇

張右史文集卷第二十

張右史文集卷第二十

詞之旨如

夏月少雨秋氣微涼以秋意之清引年天啟

補之

秋意微涼引年天啟

秋意微涼引年天啟

秋意微涼引年天啟

秋意微涼引年天啟

秋意微涼引年天啟

秋意微涼引年天啟

聽君雄辨神揚、却思得一愁十忘。鄧侯韞積價不償，  
有方未試。聊貯囊錢，家牛斗玉筍。鄉鴻鵠早入鷓鴣行。  
和鸞采齊要驕驕。一鐸便足諧宮商。知君雲壑有松房。  
南陽未耜心霸王。玉池復說夜有光。仙人藏丹金鼎黃。  
願分神漢浴骨香。非我其人慙德涼。蔡侯發跡江濫觴。  
閉籠祇欲擘海翔。此公事業未渠央。六奇他日吾所望。  
烏號張月刀瑩霜。裂五單于加印章。攘直可但虛斬莊。  
遭時立志未可忙。白墻得瞽寧非祥。嗟予企踵不及墻。  
逢君如渴御蔗漿。怯雖如鼠猶膽張。

敬次無咎未韻。抒寫素懷。兼呈文潛天啓伯時。

仲遠

忠臣

梁宋吳楚各異方。交情一契不相忘。况乃顏色瓊枝芳。  
石渠金馬漢諸郎。我從瀟湘煙水長。江湖飢見山色蒼。  
扣舷弄月浩歌狂。竭哀監吹崇賢堂。儲胥乍駭綠沉槍。  
擊鼓震龍宮。庸蜀毛髮君受饗。謀非滅悔。辭卑飛班竹崗。  
終日懶。祭書統牀。故山秋菊英可糧。西風夢掛南斗旁。  
翠蚪絳螭交首驤。坐看滌胡照天潢。壯心鬱律軍騰裝。  
強步卧中氣。不揚揮斧。欲斲夔人。正劍。曾倚待風胡。償。  
雲間。解道得智囊。洞庭鈞天奏帝鄉。慷慨奮激。方夫行。  
天路。咸沒飛。驕。驕。張侯。同聲。月。進。商。蓬。菜。方。丈。屋。連。房。

海口瀾翻議百王  
太一照青藜光  
要我挾槩弄鉛黃  
四庫顛倒翻芸香  
蔡邕有來安西涼  
慨慕玉闥歸軾觴  
同官李柳並翱翔  
鸞和節奏声央央  
誰其力薦慰所望  
九閣白日無雪霜  
垂光虹霓急章章  
沉冥清遠西蜀莊  
人間勢利本不忙  
麒麟鸞鷲固珍祥  
每恨官隔西掖墻  
可使簸揚挹酒漿  
不似箕斗名虛張

謹次元韻奉酬慎思季士年友

公麟

君家祝融水一方  
平生書闈食可忘  
雲河漱潤寒瑤若  
天帝壁府雘書郎  
馳騁千載凌子長  
神清骨秀顏色蒼  
書淫傳癖笑輿狂  
十年此會同都堂  
上樓吟春碾旗槍

詩筒吳歛瘳楚羗  
一律技文公否滅  
日飽太官沆瀣糧  
朱鸞入網空南岡  
賢書奏續紛端床  
朝出粉闈暮帝旁  
駿：天路羣龍驤  
病鳴牓：乃汗隍  
白雲隴望因倣裝  
放歌長林声激揚  
佩蘭思馨離朋亡  
雲出鳥还聊自償  
羽扇塵尾随絳囊  
龍眠乃是無何鄉  
朝游不乱麋鹿行  
歸卧展畜咀驕驪  
憲貪頌古時歌商  
徜徉興罷住雲房  
焚栢翻經究法王  
冉：竭度歲日光  
山頭草青还葉黃  
洞明已死開骨香  
此志未就嗟涼涼  
祖顛向白每称觴  
昔甘鞭後誰翱翔  
竭來竊食天中央  
古人千歲空相望  
同文鎖密御史霜  
得公再集評文章  
亦說種松輞口莊



使我夢蝶栩：忙便欲負郭占農祥門開儻容倚孔墻  
想挽北斗下挹漿筮篔更對高秋張

次韻呈慎思李士

子文

咸韶護武來何方鏗鏘入耳安能忘陽春蘭芷秋菊芳  
金門詞客青袍郎昭回下烛光焰長深山大澤龍蛇蒼  
浩歌激烈元非狂正逢聖主開明堂風煙閉寒收旗槍  
舞于兩階臣戎美喋血拓境謀非臧邊城夜行休齋糧  
採詩不復嘲青岡蚱蜢戢羽戍婦牀移文北山猿鶴傍  
渥洼朱危兩服驟胥靡敗築器浚隍白環楛矢負篋裝  
航海万里風帆揚犬羊種落嗟唇止諸蕃入李願可償

魏花李子促書囊成均貢士賢登鄉東門宣詔札十行  
我慙駑駘追驥驪何敢望固不及高毛遂未至空連房

同舍十九人  
余獨後入

賴有墨妙江都王傳模共分此日光驂騮

綠驃兩耳黃想見蹙踏披天光坐竟暑退秋堂涼拘孥  
齷齪漫引觴門外烏兔雙飛翔悠々逝川東去與故山  
魚鳥空相望鄧侯意氣摩秋霜朝吟百篇暮千章駢羅  
經史貫列莊落紙但見書吏忙孔鸞羽似各効祥鄙夫  
不孝空面播先饋不用驚五漿烏号要湏責育張

次韻奉酬無咎兼呈慎思天啟

未

平生結交圓納方過眼十人八九忘畹蘭畝蕙幽谷芳

懶隨家奴諛五郎苦飢方朔身漫長顛毛種：顏欲蒼  
誰謂滕癡端坐狂清淮之陰一草堂列筆作陣茶森槍  
絕口平戎與破羌百年如此計亦減何用竊食官倉糧  
玄黃病足畏高崗但願縮頸老支牀煌：東壁日月傍  
神仙鸞鳳爭騰驤方書落架城覆隍牙籤如雲冊碧裝  
晁侯再作班與揚正始故在何曾亡江湖十年願飽償  
夜成七發光出囊蘇公後出長卿卿為君吳都無一行  
蘇翰林欲作杭州賦見  
無咎杭州七述乃止世有伯樂生驕驕肯使弭耳隨  
監商鄧侯楚山深閨房名走上國交侯玉朝隨日景夜  
燈光包攬今古窮炎黃吐詞分苑有國香近君如雪六

月涼又似心醉醞醞觴東南蔡子名飛翔同隨天書拜  
未央瑰琦宏傑万夫望頰牙凜：有風霜文如神鼎爛  
龍章鍾山長齋讀老莊論兵說佛西俱忙不夸得硯文  
字祥但願破敵如顏福我窮乞酒更得漿仰看三虎爭  
雄張

贈天啟友弟

桑弧蓬天射四方嬰孩立志長可忘莫學兒女謾弄芳  
豪氣當視交河即邊城入望千里長臂講時架角鷹蒼  
搏捷仍放韓盧狂鷹鷂日暮隨燈堂往來絕藝精飛槍  
余勇犹足吞胡羌請書誰謂殺勝滅盛時万鍾遠餽糧

水輸長川陸登岡垂弓在囊弩在牀敵扞入陣牌居旁  
天馬馴上被甲驤受降濤築脩城隍刀頭不惜千金裝  
三十六將皆鷹揚故境可容尺地忤子頗自負當風償  
况復武庫踰書囊惟我與子日同鄉交生固自騰鴈行  
更欲揚鞭向驕驕豈但傳經如卜商不見漢時張子房  
身總六尺佐時王功業能依日月光素書一卷初逢黃  
異射破賊玉書香當使相繼來西涼時臣稱賀持壽觴  
鴻鵠一牽橫飛翔光陰應湏及未央不侯可忍點鬢霜  
少年天子坐建章寵待穰苴不顧莊嚴兵待時雖未忙  
黠虜授首先有祥土師會看得城墻郊迎父老携壺漿

去病當時凱樂張

次韻上呈樛年主簿鄉兄

肇

君家晉陵我朱方君家易知復難忘十年不見蘭畹芳  
青衫翩、黃白卽我游東南歲月長江流洶湧山鬱蒼  
燭龍東來尾鬣狂烏瓜真人坐高堂山中旂剝森戈槍  
道場法嗣通衡堯大道甚夷車御臧獨不進步誰資糧  
脫身簿領行澗岡青崖結茅雲繞床飄飄西墮梁宋旁  
至今夢想猶高驤矧復約子西城隍瓦炉梵夾隨行裝  
形骸土木神遠揚少狂豪氣今則亡劇談軟語志頗償  
模寫物象揮錦囊樽前坐我煙靄鄉憐君駸踈未著行

仙身一合悲曠縣  
記書此學利宏  
三書階此此  
交龍生白晚  
座間詩  
陰旂  
西虎  
南城  
南城西寺  
載敬  
紫城  
借一  
龍  
張

少龍贈無咎先生

幹

飛陔城如金斗  
方往事  
歷  
那能  
七  
相  
逢  
童子  
佩  
蘭  
芳  
齊發  
六  
指  
誰  
家  
自  
本  
心  
重  
見  
尖  
而  
長  
即  
今  
不  
覓  
秋  
蓬  
蒼  
戲笑  
豈  
復  
為  
見  
汪  
追  
昔  
必  
于  
初  
登  
堂  
辭  
鋒  
峭  
拔  
森  
刀  
槍  
器  
識  
沉  
遠  
包  
夷  
蓋  
陽  
秋  
窗  
肯  
西  
洛  
否  
臧  
有  
子  
游  
孝  
先  
聚  
糧  
相  
將  
百  
里  
步  
崎  
嶇  
避  
一  
宅  
坐  
僧  
林  
大  
辯  
傾  
注  
如  
無  
旁  
天  
馬  
方  
謂  
先  
驚  
驥  
迴  
魚  
誰  
復  
駐  
涼  
隄  
瓜  
期  
受  
代  
垂  
趨  
裝  
當  
路  
奏  
清  
交  
稱  
揚  
行  
行  
過  
程  
冬  
去  
坐  
令  
志  
氣  
不  
得  
償  
傳  
家  
豈  
能  
說  
一  
畫  
諸  
公  
在  
行  
書  
州  
柳  
挾  
書  
繼  
踵  
諸  
父  
行  
旋  
見  
天  
謝  
飛  
驪  
驪  
論  
司  
竹  
果  
效  
淺  
笑  
杜  
房  
此  
是  
真  
運  
道  
其  
至  
欲  
言  
只  
祖  
部  
家  
也  
何  
止  
追  
考  
歸  
楚  
黃  
遂  
逢  
朝  
露  
明  
堂  
香  
墨  
字  
而  
同  
秋  
風  
古  
誠  
欲  
成  
成  
隨  
五  
觴  
讀  
之  
如  
飲  
凌  
雲  
劍  
暫  
看  
人  
事  
皆  
六  
典  
如  
雲  
蓋  
天  
寄  
深  
闡  
霜

賓與吳能視文章尊尚周孔毫翰莊技奇殆有通夕忙  
英游疑動聚星祥飛歸後醫環堵世味已能如飲漿  
義皇上人琴一張

次韻標年見貽

補之

平生車軌周四方結交童叟老相忘異哉余子久弥芳  
吳人猶記梅周郎河豚入網荻牙長宜與罨盞煙水蒼  
風雩春服真少狂不愧戴崇升後堂時王正父方教授  
毗陵標年所最厚  
橫戈筆陣倒千槍升鸞獨步禹出羗標年奏藝  
開封第一世儒膠  
擾何足臧說食不救飢求糧警思振衣千仞岡空林無  
人一繩床五車純束不在旁欲徹梯磴排空驟鍾山春

水繞城隍從師不憚白笈裝矢鋒相觸塵不揚驪黃牝  
壯若滅亡子嚴主簿志不償厭見朱墨紛愴囊西風雲  
日思帝鄉東華拜勅鳧綴行黃昏閭闔飛驢驢虛堂節  
候變金商閉門蟋蟀鳴我房吾君仁聖周成王屏驅虎  
豹開明光山龍粉米誰青黃多儒可贊至治香園檀山  
石豈荒涼潢汙蘊藻頹豆觴願君與借羽翮翔賢書蠶  
列升未央君如病鶴待秋霜牛衣未可悲王章公朝道  
闕五達莊服袞按節緩勿忙夢松生腹渠不祥莫車上  
儼應循墻功成歸飲沆瀣漿發機要若黃間張

此卷宋刻宛丘集作七十六卷亦作同文唱和其  
韻方字與七十五卷同而暇日會友之名信書  
賈賈送蓋同文唱和而分作兩處疑是假故  
別創此名

張右史文集卷第二十六 五言律詩

從黃仲閔求友于泉

炎暑戰已定清秋當抗衡碧雲生鴈思幽草見蛩情  
聯麥村澹靜觀書枕簟清誰能酌玄酒來破屈原醒  
借一韻

清洛

清洛西風急遙知故國秋  
羈游成歲月踈放合淹留地  
迥驚身老山高更旅愁  
登臨有詞賦不減在荊州

落日

落日西風急空山客獨驚  
夕雲寒不動秋木暮多聲  
栗厭周人飯薄思故國  
羨南飛有征鴈羨爾羽毛輕

贈陳履常

勞苦陳夫子欣聞病肺蘓席門近次數僧米及時魚旨  
蓄親庖急青錢藥裏湏我塲方不給何以繫君駒

至安化驛先寄淮陽故人

蕭條安化驛倦客思悠哉積水連天闊青山送客來疎  
籬風捲葉敗屋雨生苔寄語淮陽旧人今放逐回

癸崔橋

野麥平蕪隴官榆卧古津眠鷗沙上晚幽草水邊春暖  
葉生浮綠風漪起細鱗青新柔媪管苗靜浣娘裙有客  
悲芳芷無人採白蘋可憐千里日愁殺未歸人

次韻法眼

為酒秋風五十里碧鱖兼紫蟹參軍呼可應肯使空尊對

秋日

隕葉鳥不顧枯莖虫莫吟野荒田已獲江暗夕多陰夜  
語聞山雨無眠聽楚砧弊裘還補綻披拂動歸心

次韻斯季送巖桂新醪

叢桂仙子小仙幽處芳元少三字鄙素漢殿畧塗黃有客  
憐衰病新醅許撒嘗併將塵外物助我北窓涼

發安州作

積雨陂塘秀南風蒿艾肥烏犍立橫隴白鳥下深畦雲  
木叫杜宇曉林啼竹鷄平生倦游興賴有濁醪携

天慶觀三色檜

一木而具  
相檜三物

聚處歲寒物生為千歲身柯條雖日異臭味本相親高  
季諸公子茅家賢弟昆分驅衆彭惡各共一清真竿籟  
風中合鱗鱗雨後伸高枝如借便聽奉豈無人大漂官  
有升天  
檜傳記諸真輕  
奉者多升樹

### 都梁亭下

金塔青冥上孤城莽蒼中淺山寒帶水早日白吹風人  
事劇翻手生涯真轉蓬高眠待春漲鮭菜伴南公

### 歲暮獨酌書事春懷晁永寧

天涯催晚歲殘律去如犇入夜北風惡多陰寒日昏野

吹餘燒燼溪落日沙痕霜重飢鷹疾田空宿鴈喧山明  
千苟直雲積萬莖屯足雨耕犁早豐年柿栗繁地平秦  
接席土斷洛開門白首三年客黃桑數畝村懶梳悲髮  
短不寐守爐溫折骨披殘拚蒼龍卧老根晚篁猶竚思  
幽藥助銷魂慷慨雙龍劔飄零一酒樽琳瑯思秀色環  
珮想清言獨語看明燭空庭月出軒

### 二月三日艤舟徐城戲呈戚郎

自嗟為客久羈旅過淮時雪野挑錄瘦霜天暖酒遲流  
年下坡轂万事一枰碁異日懷陳迹孤舟近古祠

### 重到臨淮壽聖院



陳迹不可訪，舊遊三十年。相逢非故物，大半已沉泉。世  
界揚塵海，浮生不繫船。老人無固必，醉即掩篷眠。

舟中曉思

樹色未啼鳥，漿聲初度航。客灯青映壁，城角冷吹霜。飄  
泊年來甚，羈游情易傷。年豐清潁尾，吾計亦蒼良。

將至漢川夜泊

水翼飛栖定，連檣宿暝煙。葦風驚客夢，江月伴人眠。多  
病閑偏樂，苦吟愁易牽。漁郎爾何恨，終夕獨鳴舷。

酬同年徐正夫司戶時公欲卜築嵩洛間

少別老相見，無言空惘然。功名屬多病，詩酒樂衰年。金

厭顏公粥囊，須趙壹錢歸。裝何日辦，嵩少好林泉。

何處春深好二首

何處春深好，春深老宿家。茶爐寒宿火，佛案曉添花。壞  
宅無妖火，通途有宝車。院深人不到，幡影逐風邪。

何處春深好，春深居士家。荒園絕畦菜，環堵數枝花。自  
蠟登山屐，好驅下澤車。時時客問字，醉帽任傾斜。

次韻寄趙伯堅

西湖望中渾，能有絕多程。問訊懶不講，篇章來逾清。為  
邦循旧政，把酒憶交情。祝子過新歲，春風入帝城。  
相思何處望，月閣對南堂。念予猶記我，懷君時奉觴。可

能思弱好端是種花忙閒說河陽政佳歎副所望

任仲徽閱世亭

志士抱奇策常苦不得伸及其利害出倏已以其人今  
古同此恨愚智竟誰分哀哉老任公英鬼久已淪唯餘  
亭前栢閱世繁深根紛々瓦草木幾變秋與春朝菌與  
蟪蛄尽死我独存任公不及見々其矣子孫請君利斯  
奇仍復大其門

陋屋

陋屋秋霖後荒城落葉中壞墻朝挿菌幽草昼聞蛩豈  
是不浪出直緣無柰慵何勞求季主吾自了窮通

直沽乾

去夏丁憂後直沽乾  
約魚氣水班々二方送中園何日掃將爾付足沙

西園

引一降江魚歸隱示只在子風在獨一亭草共閑行閑  
春來晴只在子風在獨一亭草共閑行閑

已醒

已醒只在子風在獨一亭草共閑行閑  
如王只在子風在獨一亭草共閑行閑

過東風暇

浩：自太古洋：灌百川深將一源潤首出万峰顛晴  
浴盛宗日香通華嶽蓮應有直仙子輝榜上青天

今早將飲酒聞鷺有感

蕭條古蘭若春日芴閑斜唧唧初聞燕忽忽又過花舊  
游都似夢到處即為家把酒聽鷺處羈懷感歲華

破幌

破幌一點白卧知千里明低窓通雪氣喬木尚風声傳  
警軍城靜鳴鐘梵刹清高眠守斷夢鄰樹已烏驚

食笋

荒林春足雨新笋迸龍雛鄰吏勤致饋老人欣付厨朝

食甘飽美放筋為嗟吁借取苜蓿杖猶堪代我駒

夜意

每見青桐落常虞白髮侵傷心唯片月不睡更清砧  
蟋蟀秋声早銀河夜色深崎嶇無恨意蕭索一場吟

秋雨

階下梧桐樹芳菲亦已休歲時驚病客風雨送清秋棲  
鳥歸何晚鳴玉響漸收音寒色暮吹作夜深愁

秦兵部書堂

丈人憐我學許與過常情身世已迂闊功名何敢爭笑  
談忘晚輩樽俎營生平欲斷臨渴地從公老此生

訪曇上人有感

上人稀出入黃葉閉門深繫馬長林下逢僧古殿陰相  
逢成底事乘興偶來尋靜境亦何有無言知祖心生平  
避浮俗與物苦差參脫去猶未得塵埃嗟滯淫長廊秋  
日薄古木野霜侵徙倚誰晤語獨歸還獨吟

夜吟

簾捲涼侵戶窓虛月過帷高桐清露濕深柳夜蟬嘶斷  
續銀河轉欹斜斗柄移風來高葉報伏近候蛩知陶令  
尊無酒潘生鬢有絲將何慰愁寂倚仗獨題詩

晚卧

日落煩暑退秋晴河漢明微雲映天白纖月過林清獨  
卧誰晤語幽懷殊未平蕭蕭夜深冷皓露滿前楹

卷簾

卷簾新月上林影散微茫庭草鳴蛩近風灯秋幌涼長  
年唯有病晚歲苦多傷身世竟何就吾將問蜀莊

八月三日舟行自蔡河赴臨淮

曠野天垂地川晴水見沙河回迷向背岸斷忽桑麻水  
闊時浮鷺波寒乍集鷗年飢田護落歲晚客悲嗟新月  
排雲水西風送日斜孤舟何處宿故園已天涯

日落

日落長雲暗風悲古岸秋渚鷗遙避客野蝶戲隨舟  
踈拙資微祿飄零厭遠游若無尊裏酒何物與消愁

舟行即事二首

右岸生微靄空林卧夕陽霞輝明野色天影戰波光  
集鳥村墟暗鳴虫禾黍荒秋高孤月靜天未巧雲長  
沙晚橫歸艇川晴列去檣登臨自多感何必寄他鄉  
去：路日遠行：歲向深晚田荒更濶秋野曉多陰  
岸蓼飛寒蝶汀沙戲水禽迎風蘆顫葉眩日東裝林  
早蟬肥堪薦村醪濁可斟不勞頻悵望處：有鳴砧

和柳郎中山谷寺翠光亭長韻

山深疑路斷古寺忽開門喬木風霜意荒崖雲雨痕  
朝霞明翠靄秋雨濯嵐昏幽鳥不避客閑雲時入軒  
重蘿深更綠碧澗淺無渾宝地黃金布飛泉白玉噴  
庭閑卧馴鹿果熟引王孫禪靜石為室客迷桃滿園  
每悲塵世幻方信梵王尊野實飢堪薦陽崖冬自温  
便當安寂寞何事走放嬾清梵晨齋故高松夜枕喧  
逢人休問道得意已忘言直指曹溪路勞將貝葉翻  
功名嘆不偶歲月去如奔久分踈軒冕寧辭友僂  
猿從容巖客話麈尾野僧食即是平生樂心期何日論

冬日三首

昨夜新霜落淮南十月初寒雲風後白高木兩來疎功  
業嗟謀拙星霜逼 餘子雲真拙者寂寞為玄書  
汴水日夜淺天寒霜野寬拂衣秋葉亂衝面北風寒不  
作歸山計空能走馬鞍濟時吾力薄俛仰一悲嘆  
孤冷不成寐起坐聽雞號樓閉更籌靜天寒星斗高蕭  
條陶令酒清怨楚臣騷凜々悲秋意何須待二毛

青陽驛會劉伯声夜話

犇走倦塵埃相逢顏暫開語闌燈燼改飲散月華來行  
役風霜苦流年歲月催我愚甘自分惆悵子多才

斜日二首

斜日歸殘暑秋容淡太虛閑雲工變易片月自清孤淹  
泊年華老淒涼歲事餘時違自撲拙興懶日蕭疎阮籍  
慵耽酒文周病著書簪纓非草野江海得樵漁

伏盡金才壯天高火欲流病悵拋酷暑詩興得高秋晝  
靜塵埃少霄涼河漢浮清傷桐柳膩爽奪蕙蘭柔晚歲  
寒將屆群芳棄不收幽人多感慨啼頰助騷愁病懶非  
高卧踈迂却自由功名與世事擺落醉鄉遊

秋懷次韻晁鹿之三首

木落晚風急霄涼侵暑衣有期惟向老無計未成歸只  
益顛毛脫還從髀骨肥感時仍吊古回首意多違

衰髮不堪洗病軀先覺陰天寒白日短歲暮亂山深薄  
酒醒無力危絃奏不禁謀身老逾拙三聽洛陽砧  
清秋萬里興力疾上高臺歲熟雉免飽風高榆柳摧晚  
篁元自綠幽菊為誰開寂寞無人問鄉書久不來

張右史文集卷第二十六

張右史文集卷第二十七 五言律詩

之天長會宿僧院

蕭條林下寺客至鮮塵鞍雨過月逾白夜深秋向寒老  
僧無俗累愛客故盤桓何人夜相對古松青闌干

宿銅陵

山色日已遠間人歸路長碧天涼後潤秋物雨餘荒人  
靜路傍寺鳥啼林下房銅陵竟何就空死漢吳王

漣水

孤舟逆水上野靜聞水聲鷗飛不遠水寒浪濺霜翎夜  
氣岸蕪木夕光潭照星長吟弄双槳知有魚在驚

夜書

黯：夜烟青寒：秋漢迥海月出天高霜雲泊天靜鶴  
鳴知露寒樹影當軒正幽客獨未眠經窓夜聲磬

索莫

索莫歸未得閑雲還滿空愁吟對寒日不睡到晨鐘衣  
喜初冬寄書憐手自封何當聽夜雪暖酒夜爐紅

上方僧

不下上方地夜禪心慮冥三更風雪暗一点佛龕燈持  
鉢呪潭水鬼神拳跪聽

冬夜

山靜寒雲薄天空孤月明霜桐占塔影風葉繞廊聲經  
濟心難就蹉跎歲屢更冥鴻本清遠何事亦霄征

和得故人書

來書纔一紙離別意何長應為相思苦還能細作行水  
浮新恨濶花想旧容芳欲問何人處青樓在帝鄉

和西齋

山色共開鏡溪光照禿扉暗蛩先夜響菱葉近秋飛灌  
壠晴蔬出閑籠暮鶴歸鳴琴坐朗月輕露點秋衣

和北寺

寺倚蒼崖古僧閑昼掩扉曉雲辭嶺去夕鳥占林歸悟



理現播動臨風想錫飛寄懷玄現外更覺此生微

### 食薇一首

歲窮陰不解短日過墻微  
幽鳥穿林小寒鳥啄樹飢冰  
霜崖嶺壯煙火井閭稀  
老拙安閑僻無心厭食薇

### 春寒

客舍逢桃李清尊聊自懽  
夢中經夜雨醉裡度春寒  
草色遠還綠鳥声晴更繁  
預期多病眼花發更辭看

### 遣悶

為問庭前鵲歸期何太遲  
田傳能報喜東去是何時  
黃葉西風急幽花白露滋  
朝：清洛水坎：只東馳

### 歲暮書事十二首

歲晏北風疾山空萬谷號  
木枯隨意折鴻斷不成高  
深屋支蓬戶煖爐暖緇袍  
老夫元不寐鳴竹鼓蕭騷  
清洛魚梁淺霜鱗素鯽肥  
供厨調鼎快充腹此羹稀  
老去只便飽年來甘息机  
寒江鱸膾美悵望未成歸  
風捲塵沙白雲垂雪意凝  
夜山時叫虎晚市早收灯  
園栗炮还美村醪醉不能  
三年官况味真是冷於冰  
牛羊已歸去殘照滿山波  
霜鴈田中靜風鳶木杪悲  
川原今自若虓虎昔交馳  
丘隴耕桑尽千年不復知  
原庙依崗起傳聞世祖營  
南陽無雉雉熊耳合投兵霜

日蓬原路天風栢殿聲山川英氣在不負昔聞名  
北風吹馬疾石徑上危基野俎飽貍脯山鑪煮橡糜寒  
耕敲凍石獵火上風枝留滯親麋鹿多慙髮欲絲  
壯心常許因平日討論兵天地身將老山河意欲驚病  
多緣痛飲吟苦更傷情斗酒新豐市何人問馬生  
自昔周人俗貪庸巧治生千金不冠帶一飲起紛爭佩  
犢改攘臂通書為姓名二南分陝化寂寞久無聲  
千載傷頑俗遺風耿未忘陳荒兵擊鼓魏褊女縫裳遠  
客防猜疾官居備寇攘妻兒怪多喜清洛有歸艍  
陳葉不肯輕凍醪凝未融寒林晴有影霜日冷無風許

國片心壯勞生雙鬢蓬功名未愚智萬事古今同  
日落驚明燭一杯千里心驕兒驚醉舞山僕怪悲吟谷  
冷水流急天昏雲起陰三更何處鴈急：尚哀音  
雲去暮天迥鴈飛寒夜長姮娥守孤月青女恨連霜不  
寐看鳴燭長吟送羽觴山爐烏石鼎伴我老他鄉

次韻和王彥昭九日湖園會飲

故人憐寂寞九日共登臨天地客行遠山河秋已深狂  
來能醉舞兵罷獨悲吟莫怪淒涼甚多愛損壯心

暮春三首

還將多病眼冉：對殘春啼鳥日求侶晚花如向人物

情懶着意杯酒寂閑身亦有功名志吾生付大鈞  
應接非吾事深幽具有餘筍深鳴鳥下花薄午風疎草  
淺見飛雉溪清生細魚端居亦多趣不用席門車  
紅點蕃薇架綠深桃李蹊語鶯知果熟忙燕聚新泥節  
物有常態羈游無定栖寧須說鵬鷃物理固應齊

題譙東魏武帝廟

草昧群龍鬪英雄接上游吳早青蓋伏蜀陋葆車留挾  
漢臨諸夏中原半九州人驚呂布縛誰信本初愛天作  
西南限時方割據秋力終回赤壁功止霸諸侯歷數知  
歸禹乾坤止造周事商完夙志傳子豈人謀銅雀佳人

恨西陵拱木愁千年故鄉廟歌舞薦牢羞

過衛真太清宮追懷

章聖皇帝遊幸之盛小臣斐然成詠

鳳曆開三葉中原正偃兵端居思道妙順動展精神函  
谷傳經後渦陽舊宅清龍蟠泉不竭丹養檜長生鸞鶴  
迎黃屋煙霞避翠旌琳瑯千珮玉貔虎萬屯營邃殿仙  
容儼靈庭盛禮行書寫河上語碑勒大夫銘歌罷秋風  
晚兮遺藥尚成句陳嚴舊寢輦道接新耕日落重接影  
天寒暮鳥聲異時懷往事千古有餘情

宿東魯父店二首

夕陽低欲盡春淺色蕭條暝色催歸牧炊烟向晚樵疎  
星臨水際遠火隔村橋黯黯紫門夜栖鴉對寂寥  
郡國何時極羸愁觸處生望隨天不盡春共野蕪平煙  
樹淮南濶漁鹽楚俗輕飄零五年別歎息鬢毛更

淮上夜風

縣郭初傳拆船窓已閉蓬星低春野路月淡夜淮風煙  
水東南濶漁鹽吳楚同久遊諳里社賒酒問鄰翁

春望

鳥去暗雲外帆歸芳草邊平淮分野綠春樹接低天殘  
拚寒餘燒新青雨後田年來千里目容易淚雙懸

村晚

深塢繁花麗晴日細送分孤舟春水路芳草夕陽村暗  
雀投簷靜昏鴉集樹喧牛羊自歸公燈火掩衙門

夜意

荒城轉五更北斗向誰傾穴闢時爭蓋林栖或自驚老  
來神慮談睡足骨毛輕石磬催僧粥低窓枕畔鳴

春望

暖日晴意草清淮闊及天地半連遠水城廢入春田日  
極風燈外愁懸淚臉遠人生苦多感花柳自年

同七兄及松上人自噴莊還寺

和風快人意岸情晚衿涼日落野痕碧月生淮際光論  
詩得靈運靜語屬支郎不是耽閑散從來懶性長

洛河漲二首

長河秋雨漲極目漫難分潢潦雖無日龜魚恐有神天  
寬垂鑒影風細起龍鱗老舩扁舟興臨流欲問津  
渾：雖未已浩浩竟東歸濶處長天近澄邊一鳥飛西  
風踈葦亂斜日遠村微淹泊後吾道扁舟伴釣磯

初秋對雨

閉戶理殘編踈慵得自便朝涼清病思秋雨對高眠屋  
冷深藏燕槐踈濕抱蟬所忻堂下菊芳意已鮮：

泊長平晚望

川穩夷猶棹春歸杳靄天翠深交岸樹綠遠望川田漁  
酒數家市帆檣何處船登臨一回首無恨亦依然

發長平

歸牛川上渡去翼望中迷野水侵官道春蕪沒斷堤川  
平雙槳上天濶一帆西魚酒消羈恨詩成獨自題

離建雄塗中

遠水悠：靜孤檣裊：遲草深春已後爽秀日長時聚  
語條素婦行歌拾穗兒年豐隨處樂飄泊我何為

夏日五言十二首

過雨芰荷亂繁陰竹樹多鷓聲知鳥哺洋動見魚過細  
迳饒苔蘚陰墻引薜蘿角中從倒側踈懶欲如何  
蚓壤排晴圃蝸涎印雨堦花鬢嬌帶粉樹角老封苔問  
字病多忘過鄰慵却回晚涼還盥櫛對竹引清杯  
山雨晴來暑溪雲暗復興林塘陰不解中几潤還蒸書  
帙慵披蠹槃食厭撲蠅老來疲茶甚多病日侵陵  
朝雨來還密村墟一望間遠聲唯野竹潤色但青山書  
史供高卧莓苔只閑閑蕭蕭竟秋興飄颻近衰顏  
細徑依原僻茅蓬四五家山田來雉兔溪雨熟桑麻竹  
籠辰收果茅庵夜守瓜頗知農事樂從此問生涯

養拙貧無事深幽樂更真簷巢偷哺子樹啄巧藏身竊  
果鶯知主移居蟻過隣老夫朝食美薦姐有溪鱗  
謝守常搜句陶潛亦效官傍溪分水細過巘得天寬布  
種隨蔬隴尋香到藥欄野裝兒稚笑繩屨鹿衣冠  
久與山川約那無風月情經營元濶略踈放自平生山  
友招相見鄉書向遠征慇懃語歸計貧苦病難成  
種藥出人事還披本草經出山拋舊翠過雨有新青術  
受壺中秘方傳肘後靈不辭勤服餌為變髮星  
陶令拋官易龐公去隱深由来浮世事可見昔人心卜  
築閑多思奔馳病不禁簷楹來燕雀鸞鶴自山林

蛩怨青莎老螢飛積水深庭除正夜色砧杵發秋心雄  
劍鳴初匣寒衣補硬針老來詞賦懶從使二毛侵  
夜色川原合秋聲草木催星辰隨地濶河漢馮山來栖  
鶴涼先警飢烏夕未迴高樓對斜月鳴笛正清哀

宿故濟陽城

夜寂蕭條寺天寒老病身空村唯有雪遠道更無人不  
寐依爐火多愁賴酒醇遙思雙鳳闕雨露已先春

早秋感懷二首

七言一  
首附

永日付悠悠年華逝不留風聲送殘暑雲色淡新秋吾  
道倘有待窮通寧遽憂朝來望清潁一鴈下汀洲

一行為吏百事廢幸此村州終日閑莫疑兕虎率曠野  
正見虎豹守天闕欏簾晝靜燕已去陂澤風高鴈欲還  
老見功名真戲事惱人何若鬢毛斑

庚辰臘八日天雪二首

平生臘八日借鉢受齋糜客路歲將晚旅庖晨不炊持  
杯徒破律遣興自吟詩何日依禪宿鍾魚自有時  
東州逢臘雪却憶竟陵梅客路人自遠天涯鴈欲回遙  
憐簷外白還點砌邊苔又是無人顧誰知照酒杯

蒙恩除奉常有感

平生秉周禮投老奉龍旂乍逐偶不死歸來敢恨遲門

闌走賓客行李饒妻兒又踰長安道多慙鬢有絲

雜詩

獨居無興往况此陰雨天起來復何有詩書散我前偃  
卧一榻上讀書疲復眠經綸負宿志跌蕩窮吾年

冬日雜興六首

小園晴自掃曝日坐前軒野鼠穿山葉寒鳥啄草根短  
籬藩隙地別迳一孤村幽趣供岑寂淹留不復論  
水落橋痕在沙乾岸草枯霜餘槐老壯風際竹清疎啄  
木高逾響鵲鷓飛且呼二年親友絕唯有對禽魚  
池館留餘雪西山照夕曛臘催梅藥近春向鳥詩新愁

思仍當病風光欲近人年、桃李樹相對只傷神  
空山身欲老徂歲臘還來愁怯年、柳傷心處、梅絲  
蔬挑甲短紅臘點花開冰雪如何有東風日夜回  
南壁蒼崖壯窮冬井落閑風聲先老樹日色避諸山落  
鴈飢相向啼烏夕自還微、寒月影蓬戶已深闔  
擊柝山城閉踈燈野店高疾風鳴夜谷晴水動浮星霜  
翼歸何晚鄰機織未停短歌時自和愁絕更誰聽

建平途次

野橋田徑滑官路柳條新流水伴遲日野花留晚春點  
空知去翼衝綠有歸人自笑諳岐路無勞更問津



白沙阻風

春江風易惡故作客行難  
晴日開野色朝寒醒醉顏  
歸人出斷岸去翼復前山  
淹泊無誰語村翁亦往還

張右史文集卷第二十七